

egnante geld ane alle wēdirrede uff dy vorgeanten tage deme erwirdigem herren Thimen — jerlich in der stad czu Gorlitz geben vnd bezalen, vnd sal dy bezalunge nicht hinderen noch yrren keinerlei kummer ansproche vortot geistlich adir werltliche gerichte adir keine ander irrungē, wie man dy mit sunderlichen worten mag benennen, vnd weres das wir den erwirdigen herren Thimen — jerlich uff dy vorgeanten tage dy egenanten czwenzig vnd hundert schog nicht bezalten, also vor ist geschrebin, so offte das geschiet, so offte mugen der erwirdige er Thime — nach vierzentagen, dy aller neest komen nach den vorgeanten tagen, dy egnante summa geldes dy en vmbetzalt blebe nemen vndir cristen adir vndir juden uff vnsern schaden, den schaden mit dem hawptgute sulle wir vnd glouben semmelich bezalen vnd den erwirdigen ern Thimen — genczlichen vnd gar doruon ledigen vnd lozen an alle wedirrede. Were abir das wir adir yezlicher vnser nicht hilden deme erwirdigen herren — gantz vnd gar, so mag der erwirdige herre Thime — vns odir vnser gut varnde adir vnuarnde bekummern adir angriffen vnd an vahen ane vnser wedirrede vnd ane alle hindernisse also lange, bis das deme erwirdigim herren Thimen adir seynen nochkomen — genczlich vnd fulkomelich von vns wirt gehalten also vorgeschrebin steet. Vnd aller deser egnanten sachen zcu orkunde vnd stetiger warheit habin wir vnser stad gros ingesigel an desen briff gehangen, der gegeben ist noch gotes geburd virczenhundert jar dornach in dem achten jare an sand Lucas tage des heiligen ewangelisten.

Nach dem Orig. im Stiftsarchiv zu Meissen mit dem grossen Stadtsiegel an einem Pergamentstreifen.

No. 805. 1409. 1. Apr.

*B. Thimo macht auf der Reise zum Concil nach Pisa begriffen sein Testament.*

Wir Thime von gotes gnaden bisschoff zu Missen bekennen in dissim vnserm offinen briue, so also wir yn geschefte des allirdurchleuchtigisten fursten vnd herren herren Wenczlaw Romisschen vnd Bemisschen kuninges vnser gnedigen liben herren vnd ouch durch eynunge wille der heiligen Romisschin kirchen czien werden zu dem concilio, das dy cardinal haben wollen yn Welschem lande yn der stad zu Pysa dorumme so habe wir mit wolbedachtem mute vnd mit guter wissen, mit gesundem libe vnd rechter vornunft gemacht vnd bestalt, machen vnd bestellen mit orkunde disses briues vnsern lezten willen vnd seelgerete, ab an vns icht geschege von todeswegen, das got wende nach seinen gnaden, so wolle wir vnd begern das dis selbie seelgerete genczlichen fulgey vnd geordent werde fulkomelichen, also hy nach geschreben steit. Dorzu wir dy edeln heren hern Albrechte von Coldicz vnsern liben bruder, hern Heinken Birken von der Dube den eldern herren zum Hoensteine vnsern liben ohmen, hern Hanse von Bebirstein herren zu Beskow vnsern liben swager, dy ersamen heren Lamprechte Wagker zu Wurczin vnd Budissin tumherren, ern Nicolaus Bobelicz techand zum Stolpin bitten vnd genczlichen seczen vnser selgerete vnd begern das sy das so bestellen, das das fulczogen werde vnser seelen zu troste, also hy nach geschreben steit. Zum ersten so bescheide wir zu dren ewigen